

111 學年度山豐國小校內語文競賽客家語演說文章

(四縣腔)

【火燄蟲看花火】 張捷明

一隻細細隻个火燄蟲，攞等一隻靚靚个細燈籠，跔等火燄蟲阿公去海脣看慶祝花火。

聲傳十里遠，光照半天雲，一陣又一陣个讚嘆摺爆炸聲，跔海浪同進退；一下又一下个七色光，照到海水、石頭同人潮，清清楚楚。

細火燄蟲看到嘴擘大大，自出世還毋識看過恁靚个光，拿起自家个燈籠，嘎看毋著半點火。

一暗晡个鬧熱，總算煞棚，看鬧熱个人漸漸退，細火燄蟲攞等該隻又嫻又細个燈籠，跔等阿公愛轉屋。

細火燄蟲緊飛緊道嘆：「無看過花火，毋知自家个燈籠嫻，看過花火，正知麼个安到大放光明。」

火燄蟲阿公就教佢：「乖孫仔毋使怨嘆，細罔細，毋過毋會濫、毋會嫻，雖然佢个光只有三寸遠，只愛肯行，共樣做得照過千里路頭；雖然只有細細一盞火，有心點著，就係烏暗中个一個希望，恬恬靜靜个火燄蟲，毋會輸一天頂个花火。」

細火燄蟲聽著阿公恁樣講，幹轉頭看看自家个細燈籠，確實無差，暗夜中同花火共樣恁靚，就本本歡歡喜喜信心十足，攞等靚靚个細燈籠，跔火燄蟲阿公飛等轉矣。

Youtube 音檔：[新編客家故事集 29.火燄蟲看花火\(四縣腔\) - YouTube](https://www.youtube.com/watch?v=9bVXh22mLNI)

<https://www.youtube.com/watch?v=9bVXh22mLNI>

1 煞棚：音 sod pangㄨ；動詞。劇終。

2 嫻：音 zeㄨ；形容詞。醜。

3 細罔細：小是小。

4 本本：依然。